

Kutchhi



આંજે માટે ખાસો સનેડો

ચોપડી ૫

# આંજે માટે ખાસો સનેડો

## અનુક્રમણિકા

| વારતા   | પનાં નંબર |
|---|-----------|
| ૧) મરિયમકે વચન<br>લુક ૧ : ૨૬-૩૮                           | ૫         |
| ૨) ઈસુજો જન્મ<br>લુક ૨ : ૧-૨૦                             | ૮         |
| ૩) ઈસુ પુઠિયા રઈ વ્યા<br>લુક ૨ : ૪૧-૫૨                    | ૧૨        |
| ૪) ઈસુજો થોહાન વટા બાપ્તિસ્મા<br>લુક ૩ : ૨૧-૨૨            | ૧૫        |
| ૫) શેતાન વટા ઈસુજી કસોટી<br>લુક ૪ : ૧-૧૩                  | ૧૬        |
| ૬) બિજજી ગાલ<br>લુક ૮ : ૪-૧૫                              | ૧૮        |
| ૭) ઈસુ સરોવરજો વાવડો શાંત કરીએંતા<br>લુક ૮ : ૨૨-૨૫        | ૨૨        |
| ૮) ઈસુ પંજ હજારકે જિમાડીએંતા<br>લુક ૯ : ૧૦-૧૭             | ૨૪        |
| ૯) દયાળુ નોલે મુસાફરજી વારતા<br>લુક ૧૦ : ૨૫-૩૭            | ૨૬        |
| ૧૦) ઈસુ ચેલેકે પ્રાર્થના કરીધેં સખાઈએંતા<br>લુક ૧૧ : ૧-૧૩ | ૩૦        |
| ૧૧) પવિતર સાબ્બાથ ડીં જોજ દયા<br>લુક ૧૩ : ૧૦-૧૭           | ૩૩        |
| ૧૨) વંઝાએલો મલેસે આનંધ<br>લુક ૧૫ : ૧-૩૨                   | ૩૫        |

|                                  |    |
|----------------------------------|----|
| ૧૩) ડોંએ રગતપિતીયેંજો સજો ધીયણું | ૪૨ |
| લુક ૧૭ : ૧૨-૧૯                   |    |
| ૧૪) ઈસુજે મરેજ આગાઈ              | ૪૪ |
| લુક ૧૮ : ૩૧-૩૪                   |    |
| ૧૫) જાખીજે ઉતે ઈસુ               | ૪૫ |
| લુક ૧૯ : ૧-૯ અ                   |    |
| ૧૬) રાજા તરીકે ઈસુજો આવકાર       | ૪૭ |
| લુક ૧૯ : ૨૮-૩૮ અ                 |    |
| ૧૭) થેલેં ભેગો પાસ્ખા પરવ        | ૪૯ |
| લુક ૨૨ : ૭-૨૩                    |    |
| ૧૮) અદાલતમેં ઈસુ                 | ૫૨ |
| લુક ૨૩ : ૧-૧૨                    |    |
| ૧૯) ઈસુકે મોતજ સજા               | ૫૫ |
| લુક ૨૩ : ૧૩-૨૫                   |    |
| ૨૦) ઈસુ મરણથંભતે જડાણા           | ૫૭ |
| લુક ૨૩ : ૨૬-૪૩                   |    |
| ૨૧) ઈસુજો મરણ                    | ૬૨ |
| લુક ૨૩ : ૪૪-૪૯                   |    |
| ૨૨) ઈસુજો ઘફન                    | ૬૪ |
| લુક ૨૩ : ૫૦-૫૬                   |    |
| ૨૩) ઈસુ સજીવન ધ્યા               | ૬૬ |
| લુક ૨૪ : ૧-૧૨                    |    |
| ૨૪) ઈસુ સરગમેં ઉસ્થા             | ૬૮ |
| લુક ૨૪ : ૩૬-૫૩                   |    |

## પેલા હી વાંચ્યો

ઈસુ વલસયજી હી ચોપડી આય.

અજથી ઉનઈ સદીઉ પેલા

ઈસુ થઈ વ્યા.

હેવરજે ઈઝરાયલ દેસમેં ઈ રયા હોવા

ઈન સમયમેં ઈઝરાયલતે રોમન સરકારજો રાજ હો.

પ્રજાજે માટે પણ ઈઝરાયલ નાલો વપરાંઘો હો .

વરી હી માડુ યહુદી તરીકે ઓળખાંજેતા.

ખાસ ઉદ્ધારક અચીને ઈનીકે મુત્ત કરે

એળી આશ્વય યહુદી રખંઘા હોવા

ઈસુ પંઠ ઈ ખાસ ઉદ્ધારક હોવા

ઈસુજા કથન અને કમ

લુક નાલેજે લેખક લખેં આંય.

લુક અનુસાર સુભ સમાચાર તરીકે

ઈનજી ચોપડી જાણીતી આય.

ઈશ્વર પાં મણીંતે પ્રેમ કરીએંતા.

એળો ઈસુ સખાયોં.

એતરે માંઘા અને તન્દોરસ્ત, ગરીબ અને શાઉકાર,

ખરાભ અને ખાસા માડુ અને બાઈમાડુ, છોરા અને ઘુકરીઉ

મણી મથે ઈશ્વર પ્રેમ કરીએંતા.

દરેક બાબતલાય ઈશ્વરતે ભરોંસો રખેજો,

અને કેળી રીતસેં પ્રાર્થના કરણી,

અને ઈશ્વરકે પ્રસન કેણા

ઈ પણ સખાયોં હો.

જો આંઈ લુકજી સજી ચોપડી વાંચેલા મંઘઘો હો,

ત બાઈબલ સોસાયટીકે કાગળ લખો.

લુકજી ચોપડી બાઈબલજી ચોપડીમેં. હકડી આય.

## ૧ મરિયમ કે વચન



હકડો ડીં ઈશ્વર ગાબ્રીયેલ ડૂતકે  
ગાલીલ પ્રાંતજે નાસરેથ નગરમેં હલાયોં.  
ડૂત વટે કુંવારી કન્યા મરિયમલાથ સનેડો હો.  
મરિયમજી સગાઈ  
ઘાઉઘ રાજાજે વંસજે થોસેફ નાલેજે માડુ  
સે કેમેં આવઈ હુઈ.

ડૂત મરિયમ વટે અચીને ચેં,

“પ્રણામ !”

પ્રભુ તો ભેરા અંઈ,

અને તોકે ઘણેજ માન ડિનો અથોં.”

ડૂતજો સનેડો સુણીને મરિયમ ઘણેજ ગભરાજી વઈ,

અને ઈનજો કુરો અરથ હુંધો સે વિચારણ લગી,

ડૂત ઈનકે ચેં,

“મરિયમ, ગભરાઈજ મ.

હીતા ઈશ્વર તોકે વડો માન ડિનો અથોં.

તું ગર્ભવંતી થીનીએં.

અને પુતરકે જનમ ડીનીએં

અને તું ઈનજો નાલો ઈસુ વિજનીએં.

ઈ મહાન થીંધો,

અને પરમ ઈશ્વરજે પુતર

તરીકે ઓળખાંધો.

ઈનેંજા પુરખો ઘાઉઘજી માફક

પ્રભુ પરમેશ્વર ઈનકે રાજા ભનાઈધા.

ઈ ઈઝરાયલ પ્રજાતે હંમેશજે માટે રાજા ભનધો,

અને ઈનજે રાજજો કડેં પણ અંત અચીંધો ન.)

મરિયમ ડૂતકે ચેં,

“આઉતા કુંવારી અઈયાં.

ત પોથ એડો કેડી રીતે ભને !”

ડૂત જભાભ ડને,

“પવિત્ર આત્મા તો મધે અચીંધો,

અને ઈશ્વરજો પરાક્રમ તો ભેરો રોંધો.

દીનજ કારણજે લીધે ઈ પવિતર બાલક

ઈશ્વર પુતર ચોવાંધો.

તોજ સગી એલીસાબેત જે વિસયમેં વિચાર કર

માડુ ઈનકે વાંઝણી ચેંતા,

અને ઈ ગેઢી આય,

તોય પણ હેવરજો ઈનકે

છઉં મેણો વંઝેતો.

કારણ, ઈશ્વરકે મળે શકય આય.”

મરિયમ ચેં,

“આંઉતા પ્રભુજ દાસી અધ્યાં

આંજે ચે પરમાણે

મળે મુંકે થીએ.”



## ૨ ઈસુજો જનમ

રોમન સમ્રાટ ઓગસ્ટસ હુકમ બાર વધે જે,  
સામ્રાજ્યજા મળે નાગરીક વસતી ગણતરીલાય  
પંઢજ નોંધણી કરાયેં.



તેંસે યોસેફ

ગાલીલ પ્રદેશજે નાસરેથથી

યહુદીયાજે બેથલેહેમ નગર વંઝેલા નકરથો.

હીન નગરમેં ઘાઉઘ રાજા

જનમેઓ હો.

યોસેફ ઘાઉઘજો વંસજ હો.

તેંસે ઈનકે બેથલેહેમ વંઝણું વ્યો.

પંઢજી વિવાહિતા મરિયમ ભેગો

ઈ ઉતે વ્યો.

ઈન સમયમેં મરિયમ ગર્ભવંતી હુઈ,

ઈ બેથલેહેમમેં હુવા તેરજ

ઈનજો સુવાવડજો સમય અચી પુગો.

ઈનીલાય ઘરમશાળામેં ઓતારેજી

કોય જ્ય્યા ન હુઈ,

તેંસે ઈ ઢોરેકે નીરણકેજી જ્ય્યામેં વ્યા.

અને ઉતે મરિયમ

પંઢજે પેલે ખોરેજે પુતરકે

જનમ ડિને.

ઈન ઈનકે કપડેમેં વિટેને


ગમાણમેં સુમારે.

ઈન રાતજો કતરાક ભરવાડ ખેતરમે  
 પંઢજા માલજા ટોળા સાચવીંઘા હોવા  
 પ્રભુજો ડૂત ઈનીકે ડસાણો  
 અને પ્રભુજો મહિમા  
 ઈની મથે પ્રકાશ્યો.  
 ઈ ઘણેજ ગભરાજ વ્યા, પણ ડૂત ઈનીકે ચેં,  
 “ગભરાઈજા મ! મું વટે વઘામણીજા શુભ સનેડો આય,  
 અને ઈ સુણીને મળો માડુએકે આનંધ આનંધ થીંઘો.  
 અજ બેઘલેહેમમે આંજે મુકિતદાતા  
 ખ્રિસ્ત પ્રભુજો જનમ થ્યો આય.  
 આંઈ હકડે બાલકકે કપડેમેં વિટેલો  
 અને ગમાણમેં સુમેલો નેરીંઘા.  
 ઈન નિશાની મથા મુંજા રાબદ  
 સચા પુરવાર થીંઘા.”  
 હેકાહેક ડૂતેજો વડો સમુદાય પરગટ થ્યો  
 અને ઈશ્વરજી સ્તુતી કરીંઘે ઈની ગાયોં:  
 પરમ ઘામમેં વસઘલ  
 ઈશ્વરજો સૌકોય જ્યજ્યકાર કરેં.  
 જમીનતે ઈનીકે પ્રસન્ન કરીંઘલેકે  
 પંઢજે વચન પરમાણે શાંતિ ઈ બક્ષેં”  
 ડૂત સરગમેં પાછા વેંઘા રયા.  
 પોય ભરવાડેં હકડેબેંકે ચ્યાં,  
 “બેઘલેહેમમેં ભનેલી બીનાએંજે વિસે  
 પ્રભુ પાણકે જણાયોં અયોં.  
 હલો, પણ વંઝીને નેરીયું”.

તેંસે ઈ તુરત હલણ લગા  
 અને મરિયમ અને થોસેફ કે શોધે કઢ્યો,  
 અને બાલકકે ગમાણમેં સુમેલો ડિઠોં.  
 ઉની બાલકકે નેરેને  
 ડૂતે ઈનજે વિસથજો કરેલી ગાલ  
 મરિયમ અને થોસેફકે ચઈ સુણાયો.  
 ભરવાડેં બેંકે પણ ઈ ગાલ સુણાયો  
 અને ઈ સુણીને  
 મળે અચંબેમેં પઈ વ્યા.  
 મરિયમ હી મળે ગાલ પંઢજે મનમેં સંઘરે રખેં,  
 અને હીન મથા ઉનું વિચાર કરણ લગી.  
 ભરવાડેં જુકો જુકો સોં અને નેરથોં  
 ઈનજે લીધે ઈશ્વરજી સ્તુતિ કરીંઘા  
 પંઢજે ટોળેંવટે પાછા ફરયા.  
 ડૂતે ઈનીકે ચ્યોં હોં  
 ઈનજ પરમાણે મળે ભન્યો હોં.

### ૩ ઈસુ પુઠિયા રઈ વ્યા

ઈસુજા મા અને બાપા પાસ્ખાપર્વજી ઉજવણીલાય  
દરસાલ યરુશાલેમ વેંઘા હોવા  
ઈસુ બારે વરેંજા ઘ્યા તેર  
ઈ ઉની ભેગા પર્વમેં વ્યા.



પર્વ પૂરો થ્યો ઈતરે ઈનીજા માબાપ  
 યરૂશાલેમથી પાછા વરયા.  
 ઈસુ પુઠિયા રઈ વ્યા તેજી ઈનીકે ખબર ન હુઈ.  
 ઈસુ ટોળે ભેરાજ હુઘા  
 એળો ઈ ઘારીઘાં હોવા  
 ઈન હકડો સજો ડાં મુસાફરી કયોં  
 ઈન પોઆ ઈની સગેં સંબંધી અને ભાઈબંધમેં  
 ઈસુજી સોઘ કયોં,  
 પણ ઈ ઈનીકે મલ્યા ન.  
 તેસે ઈ ઈનીકે શોઘીંઘે શોઘીંઘે યરૂશાલેમ પાછા વ્યા.  
 ત્રે ડાં ઈની ઉનીકે મંઘરમેં શોઘે કઢયોં.  
 યહુદી પંડીત ઈસુજો સુણઘા અને પરસન પુછંઘા હોવા.  
 ઈસુ ઉની વચમેં વઠા હોવા.  
 ઈસુજા બુદ્ધિભરેલા સવાલ જમાભેંસે માળે અચંબેમેં પઈ વ્યા.  
 ઈસુકે ઈતે નેરેને ઈનીજા માબાપ અચંબેમેં પ્યા.  
 ઈનીજી મા ઈનીકે ચ્યોં,  
 “પુતર તોજે પે અને મું તોજી  
 કેતરી માળે ચંઘાસે શોઘ કઈ.  
 અસાંસે તો હેડો વર્તાવ કીં કે?”  
 પણ ઈસુ જમાભેં ડિનો  
 “આંકે મુંજી શોઘ કેજી જરૂર ન હુઈ  
 મુકે મુંજે બાપાજે ઘરમેં રયો ખપે,  
 તેંજી આંકે ખબર હુણી ખપઘી હુઈ.”  
 પણ ઈસુ જુકો ચ્યોં સે  
 ઈનીજા માબાપ સમજી સચ્યા ન.

તેં પોઆ ઈસુ ઈનીજે માબાપ ભેરા નાસરેથ વ્યા,  
અને દરેક બાબતમેં ઉનીજે આઘીન રયા.  
ઈનીજી મા હી મળે બાબતું પંઢજે મનમેં  
સંઘરે રખ્યોં અને ઈન વિસથમેં ઘણેવાર વિચાર કયોં.  
ઈસુ શરીરમેં અને જ્ઞાનમેં  
વધારો પામીઘા વ્યા.  
મળે માડુ ઈસુકે ચાહીંઘા હોવા,  
અને ઈશ્વર ઈની મથે પ્રસન્ન હોવા.

## ૪ ઈસુજો યોહાનવટા બાપ્તિસ્મા

ઘણો વરેં પોઆ

ઈસુ ચરદન નયજે કંઘે મથે વ્યા.

ઉતે યોહાન માડુએંકે બાપ્તિસ્મા ડીંઘો હો.

યોહાન મણી માડુએંકે બાપ્તિસ્મા ડિને,

અને ઈસુકે પણ બાપ્તિસ્મા ડિને.

બાપ્તિસ્મા પોઆ તુરતજ ઈસુ પ્રાર્થના કયોં.

અને ઈ પ્રાર્થના કરીંઘા હોવા એળેમેં આકાશ ઉઘડી વ્યો.

અને ઈશ્વરજો આત્મા કબુતરજે રૂપમેં

ઈની મથે ઉતરી આયો.

પોય ઈશ્વર આકાશનંજાથી ઈની સે ગાલ કયોં:

“તું મુંજો પ્યારો પુતર અઈયેં,

તો મથે આંઉં પ્રસન્ન અઈયાં.”



## ૫ શેતાનવટા ઈસુજી કસોટી

બાપ્તિસ્મા પોઆ તુરતજ  
ઈશ્વરજે આત્માસે ભરપુર ઘઈને  
ઈસુ પાછા ફરયા.

ઈશ્વરજો આત્મા ઈનીકે  
વેરાન પ્રદેશમેં ગની વ્યો.  
શેતાન ઉતે આયો  
અને ચારી ડીં સુધી  
ઈન ઈસુજી કસોટી કેં  
અને ઈનીવટા ખોટો  
કરાયજી કોશીશ કે™.

હીની ડીંએ દરમ્યાન ઈસુ ઉપવાસ કયોં હોં,  
તેંસે ઈનીકે ઘણેજ ભુખ લગી.

પોય શેતાન ઈનીકે ચેં,  
“તું ઈશ્વર પુતર હોય સેં  
હી પાયણેકે આજ્ઞા કર  
ત ઈ રૂટલી ભની વંજે.”

પણ ઈસુ જમાભ ડીનો,  
“શાસતરમેં લખેલો આય,  
‘માડુ ફકત રૂટલી મથેજ  
જીએ નતો.’”

પોએ શેતાન ઈસુકે ઉચીં જીયાતે ગની વ્યો,  
અને હકડી કાણમેં ઈસુકે ઘુનીયાજા મળે રાજ વતાંય  
શેતાન ઈનીકે ચેં,

“જો તું પગે પઈને મુંજો ભજન કરીએં  
ત હી મળે રાજ અને તેંજો વેભવ  
આંઉ તોકે સોંપે ડીંઘોસ.

હની મણી મથે હાલ મુંજ સતા આય,  
અને આંઉ ચાહીઆં તેંકે  
હી મળે ડઈ સગાંતો.  
પગે પઈને મુંજો ભજન કર,  
અતરે હી મળે સતા તોજ થીંઘી.”  
ઈસુ ઈનકે જમાભ ડીનો  
“શાસતરમેં ઈ પણ લખેલો આય,  
‘પ્રભુ તોજે ઈશ્વરજી હેકલેજ જ  
તું ભક્તી કર.  
અને બે કેંજ ન.  
માતર ઈનીજ જ તું સેવા કર.”



પોય શેતાન ઈસુકે યરુશાલેમ ગની વ્યો  
 અને મંધરજે મણીથી ઉચે ભાગતે ઈનીકે વેરાંચ.  
 ઈન ફરીસે ઈસુકે ચે,  
 “તું ઈશ્વર પુતર હોયસે  
 હયાંથી ઠેક ડઈ નીચે પો:  
 શાસતરમે લખેલો આય:  
 ‘તોજ સંભાર ગનેલાય  
 ઈશ્વર પંઠજે ડૂતેકે આજ્ઞા કરીંધા.’  
 વરી શાસતરમે ઈપણ લખેલો આય:  
 ‘જડે તું પોને તેર ડૂત તોકે  
 પંઠજે હથેમે જલે ગનધા,  
 જેસે નીચેજે પાયણે મથે પછડાયસે  
 તોકે ઈજા થીંધી ન.’  
 ઈસુ ઈનકે જમાભ ડીનો,  
 “શાસતરમે ઈ પણ લખેલો આય:  
 તોકે તોજ મરજી પરમાણે તોજે પ્રભુ પરમેશ્વરજી  
 કસોટી કરણી ન.”  
 શેતાન બઈ ઘણે રીતે  
 ઈસુજા કસોટી કે  
 અને ખોટો કરાયલાય કોશીશ કે  
 પણ ઈનકે સજ્જાતા મલઈ ન  
 તેંસે થોડેક સમયજે માટે ઈસુ વટાનું હલ્યો વ્યો.



હકડો ડા,

ઘણે શેરે મંજાથી ઘણે માડુ ઈસુ વટે અચણ લગા,

તેર ઈસુ ઈની વટે નીચેજ ગાલ કયોં :

“હકડીવાર ખેડુ બિજ પોખેલા પંઢજે ખેતરતે વ્યો.

ખેતરમેં બિજ પોખીંદે

કતરાક રસ્તે મથે પ્યાં.

ઉતે ઉ માડુએંજે પગ નીચે કચરાજ વ્યા.

અથવા પંખી અચી ચુણી વ્યા.

કતરાક બિજ પથરાણ જમીનતે પ્યા.

ઉન મંજાનું કુંપર ત કુટી નકરયા

પણ જમીન સૂકીભઠ હુઈ જેંસે સુકી વ્યા.

કતરાક બિજ કંઢે ને જાંખરે મથે પ્યા,

મોલ ભેરા કંઢા જાંખરા પણ વધ્યા.

અને ઈ ઝડપસેં વધીને

મોલકે ઘાબે ડિનો.

પણ કતરાક બિજ ખાસી ફાદુપ જમીનમેં પ્યા.

છોડ વધ્યા અને

સો ગણો પાક ઉતર્યો.

ઈસુ આગળ ચ્યોં,

“જો આંકે સચઈજ સમજણુ હોય

ત મુ આંકે ચ્યોં તેં મથે વિચાર કર્યો.”

પુઠિયાથી ઈની ચેલેં ગાલજો અરથ પુછ્યોં,

ઈસુ ઈનીકે જમાલ ડીનો.

“ઈશ્વરજે રાજજો રહસ્ય જાણેજો ઉન આંજે માટે શક્ય ભનાયો આય

પણ હીન રહસ્યજો બેં વટે ચોખો ચેં મેં આયો નાય.

ફકત વારતાજી માફકજ ઈ સુણેતા.

જેંસે ઈ નેરીએ પણ નેરે સગેંન

અને સુણે પણ સમજી સગેં ન.

આંજી સુણેલી ગાલજો અરથ હી આય :

કતરાક બિજ રસ્તે મથે પ્યા.

ઈનજો અરથ કતરાક માડુ શુભ સનેડો સુણેતા

પણ શેતાન અચીને ઈનીજે રદ્ય મંજાનું

શુભ સનેડો ગની વંઝેતો.

તેંસે ઈ ઈશ્વર મથે સરઘા રખી સગેં નતા,

અને ઉં જીવન પરાતપ કરે સગેં નતા.

કતરાક બિજ પાથણેવારી જમીન મથે પ્યા,

ઈનજો અરથ ઈની શુભ સનેડો સોં,

અને ખુશીસેં સ્વીકારે ગન્યોં,

પણ ઈ શુભ સનેડો ઈનીજે રદ્યમેં ઉતરે નતો.

થોડોક સમય ઈ ઈશ્વર મથે સરઘા રખેતા

પણ કસોટીજો સમય અચેતો

તેર ઈનીજી સરઘા ઉતરી વંઝેતો.

કતરાક બિજ કંઢે ઝાંખરે મથે પ્યા.

ઈનજો અરથ ઈ માડુ શુભ સનેડો સુણેતા,

પણ ઈન ધુનીઆંજીઉ ચંઘાઉ અને પેસે પરતેજો પ્રેમ

અને ઈન જીવનજો મોજશોખ આડો અચેતો.

ઈશ્વર ઈનીજે જીવનકે જોળી રીતે ઘળેલા મંગેતા

તેંમેં ઈ વાના અવશેઘરૂપ ભનેતા.

કતરાક બિજ ખાસી ફાડુપ જમીનમેં પ્યા.

ઈનજો અરથ ઈ માડુ શુભ સનેડો સુણેતા,

અને સંપુરણપણે શુભ સનેડો કે અનુસરેંતા,

ઈ હંમેશી ઈશ્વર મથે ભરોંસો રખેંતા

અને ઈશ્વરજી ઈચ્છા પરમાણે

જીવન જીવીએંતા.

## ૭ ઈસુ સરોવરજો વાવડો શાંત કરીએંતા

હકડો ડ્રાં ઈસુ પંઢજે થેલે ભેગા હોડીમેં વઠા.

ઈસુ ર્યો, “હલો પાણ સરોવરજે પાર હલો.”

તેંસે ઈ સામે કિનારે વંઝેલા ઉપડયા.

ઈ હોડીમેં વેંઘા હોઆ તેર ઈસુ સુમી રયા.

હેકાહેક સરોવર મથે બોરોજ વાવડો કુંકણ લગો

અને મોજા ઉછરેલા લગા.



હોડીમેં પાણી ભરાયલા લગો.  
 અને બૂડેજો ભય લગો.  
 ચેલેં વડેસડ રાડ વજીને ઈસુકે જગાયો અને ચ્યોં,  
 “ગુરુજી, ગુરુજી, અસીંતા બુડી હલ્યા સીં !”  
 ઈસુ ઉઘીને વાવડેકે અને ઉછરઘેં મોજેકે ઘમકાયોં.  
 પવન જો વાવડો ભંધ થઈ વ્યો અને મોજા શાંત થઈ વ્યા,  
 અને સરોવરમેં શાંતિ થઈ વઈ.  
 તેં પોઆ ઈસુ પંઢજે ચેલેંકે ચ્યોં,  
 “કતે વઈ આંજી સરઘા ?”  
 ઈતા મળે ચકિત ભનીવ્યા હોવા  
 અને હેબતાજી વ્યા હોવા.  
 ઉ હકડે બેંકે ચોંઘા હોવા  
 “હી કેડે પ્રકારજો માડુ આય ?  
 પવન અને મોજેં કે હુકમ કરેતો  
 ને ઈ ઈનકે આઘીન થીએંતા !”



## ૮ ઈસુ પંજ હજારકે જિમાડીએંતા

હકડો ડીં ઈસુ પંઢજે ચેલેં ભેગા

બંધસેંદા નાલેજે નગરમેં વ્યા.

માડુએંજે સમુદાયકે ખબર પઈ ઉ પણ ઈની પાછળ વ્યા.

ઉનીકે નેરેને ઈસુકે આનંધ થ્યો,

અને ઈશ્વરજે રાજ વિસયમેં

ઉનીકે ઈની સખાયોં.

વરી ઈનીમંજા ભિમાર હોવા તેંકે સજા ક્યોં.

સુરજ અસ્થજે સમયમેં ઈસુ જેં ચેલેં અચી ઈનીકે ચ્યોં,

“માડુએંકે રવાના કર્યો.

જેંસે ઈ આજુબાજુજેં ગામમેં અને ખેતરેંમેં વંઝે

અને રેજે અને ખાદીજી સગવડ કરીએં.

કારણ, જે હી વેરાન જ્ય્યા આય.”

પણ ઈસુ ઈનીજે ચેલેંકે ચ્યો,

“આંઈજ ઈનીકે ખોરાક ડિયો.”

ઉની જમાભ ડિનો.

“અસાં વટે ત ફકત પંજ રૂટલીઉં અને બ મછીઉં અંઈ,

અને આંઈ એખોત ઈઈએઓ નતા કે

અસીં વંઝીને હીની મણી માડુ એજે માટે ખોરાક ખરીદે અચોં ?

(ઉતે લગભગ પંજ હજાર માડુ હોવા.)

તેં પોઆ ઈસુ પંઢજે ચેલેંકે ચ્યો,

“માડુએંકે પંજા પંજા જે જુથમેં વેરાયો.”

ઈસુજે ચે પરમાણે ચેલેં ક્યોં

અને મણી કે વેરાયોં.



પોય ઈસુ પંજ રૂટલીઉં અને બ મછીઉ ગન્યોં  
 અને આકાશ ડીંઆ નેરેને,  
 ઈનીજે માટે ઈશ્વરજો આભાર મંજ્યોં.  
 તેં પોઆ ઈની ઈ જોરેને ટુકરા કયોં  
 અને માડુએંકે પરસેલા  
 ચેલેંકે ડિનો.  
 મણી માડુએ ઘરાજને ખાધોં.  
 તેં પોઆ ઈસુજે ચેલેં  
 છડેલા ટુકરા ભેરા કયોં  
 ત બારો ટુપલીઉં ભરાણીઉં.

## ૯ દયાળુ નોલે મુસાફરજી વારતા

હકડો ડીં ચહુદી ઘરમશાસતરજો હકડો પંડીત  
ઈસુ વટે આયો,

અને ઈનીજી કસોટી કેજો પ્રયત્ન કેં.

ઉન પુછે “ગુરુજી,

સચો અમર જીવન મેળવેજે માટે

મુંકે કુરો કયો ખખે ?”

ઈસુ ઈનકે જમાભ ડિનો,

“પાંજે ઘરમશાસતરમેં કુરો ચેમેં આયો આય !

તું તેંજો કુરો અરથ ઘટાયેં તો ?”

ઈન માડુ જમાભ ડિને,

“તોકે તોજે પ્રભુ પરમેશ્વર મથે સંપુરણ પ્રેમ રખણું

એતરે તોજે સમગ્ર જીવનસે,

તોજે કમેસે,

અને તોજે મનસે પ્રેમ રખણો.

વરી તોકે તોજા માનવભા પ્રત્યેં

તોજી જાત જતરો પ્રેમ રખણું. ”

ઈસુ ઈનકે ચ્યોં,

“તોજો જમાભ ખરો.

હીન પરમાણો વસ્ત એતરે તું સચો “જીવન પામીને.”

પણ ઘરમજે ઈન પંડીત

પંઠજી ભોંઠપ ઢકેલાય બ્યો પરસન પુછે,

“મુંજો માનવભા કેર ?

“આંઈ ઈનજી સેવાચાકરી કરીજા ?”

ઈસુ જાભાભમેં ઢી વાસ્તા ઁયોં :  
હકડો ડીં હકડો માડુ ઁડુશાલેમઘી  
ઁરીખો વંઝલા નકરયો.  
રસ્તેમેં લુંટારે ઈન મઘે હુમલો કયોં.



ઉની ઈનીકે માર મારયોં,  
'ઈનજા કપડા સુઘઘાં  
ઈનજો મણે લુંટે ગન્યોં  
અને અઘમો કરેને હલ્યા વ્યા.

હાણે એળો ભન્યો કે હકડો યહુદી ઘરમજો પૂજારી ઈન રસ્તે થઈને વેંઘો  
હો.

ઉન ઈન માડુકે ડિઠે,  
અને ઈ ફંટાજીને હલ્યો વ્યો.

તે પોઆ હકડો પૂજારી ભેરો કમ કરીંઘલ પણ  
ઉતાં થઈને પસાર થ્યો.

અને ઈ પણ ઉન માડુકે નેરેને  
ફંટાજીને હલ્યો વ્યો.

તેં પોઆ હકડો જ્યો માડુ આયો.

ઈ ઈઝરાયલી ન હો.

પણ સમરૂનજો નોલો મુસાફર હો.

ઘાયલથેલ માડુએકે નેરેને જ

ઈનકે ઉન મથે દયા આવઈ.

ઈ ઉન વટે વ્યો,

ઈનજા ઘા સાફ કેં

અને પટાપીંઢી કેં.

પોથ પંઢજે ગડોડે મથે વેરાંય ને

ઓતારે તે ગની વ્યો

અને ઉતે પણ ઈનજી સારવાર કેં.

બે ડીં,

ઘરમશાળાજે માલિકકે ઈન થોડાક પેસા ડિને,

અને ચેં,

“આંઈ ઈનજી સેવાચાકરી કરીજા,

અને જડીં ડીં વઘારે ખરચ થીએ સે

આંઉં પાછો અચીને ડીંઘોસે.”

ઈસુ વારતા પુરી કયોં  
અને ઘરમજે પંડીતકે પુછયોં,  
“લુટારેજો ભોગ ભનેલ  
ઈન માડુ પ્રત્યે સયો પ્રેમ પેલે ત્રીં મંજાથી  
કેં દરસાયો ?”

પંડીત જભાભ ડિને,  
“ઈન મથે દયા દરસાઈઘલ.”

ઈસુ ઈનકે ચ્યોં,  
“ત પોએ તું પણ ઈન પરમાણે વંઝીને કર.”

## ૧૦ ઈસુ ચેલેંકે પ્રાર્થના કરીંઘે સખાઈએંતા

હકડી વેરા ઈસુ પ્રાર્થના પુરી કરી રયા એતરે,

ઈનીજે ચેલેંમંજાનું હકડે ઈનીકે ચે,

“પ્રભુ યોહાન બાપ્તિસ્મા કરીંઘલ પંઢજે ચેલેંકે  
પ્રાર્થના કરીંઘે સખાંચ આંચ.

આંઈ પણ અસાંકે પ્રાર્થના કરીંઘે સખાયો.”

ઈસુ જમાભ ડિનો,

“આંકે ઈન રીતે પ્રાર્થના કરણી.”

‘આકાશમંજજા અસાંજા પરમપિતા

આંઈ હેકલાજ ઈશ્વર અયો.’

મળે આંજી ભગતી કરીંએ.

આંઈ પ્રભુ અયો ! મણી માડુએ મથે

આંજી આણ વર્તો

જેંસે જીં સરગમે ધીએતો તીં

પૃથ્વી મથે પણ

આંજી ઈચ્છા પુરી થીએ.

અસાંજી રોજી રોટી અસાંકે આંઈ ડયો,

અસાંજે અપરાધીએં કે

અસીં માફ કરીંઉંતા તીં

અસાંજા અપરાધ અસાંકે માફ કરયો.

કપરે કસોટી કાળમેં

અસાંકે આં પ્રત્યે વફાદાર રખો

અને સેતાનસેં અસાંકે ભયાયો.’

વરી ઈસુ આગાળ ચ્યોં,

“ઘાર્યોં કે આ મંજાનું કોય

મઘરાતજો પંઢજે ભાઈબંધ જે ઘરે વંઝીને ચે,

‘ભાઈબંધ ત્રેષણ રૂટલીઉં હોંચ ત ડેન !

હકડો હલઘલ મુસાફર ભાઈબંધ આયોં આય.

અને મુંજે ઘરમેં ઈનકે પરસેલા કીં પણ નાય.’

અને ઘાર્યો ક આંજો ભાઈબંધ જમાભ ડે કે,

‘મુંકે તકલીફ મ ડે

બાયણા ભંધ કરેલા અંઈ.

અને આંઉં મુંજે કુંદુંબ ભેરો સુમી રયો અંઈયાં,

તોકે કીં પણ ડનેલા આંઉં ઉથી સગાતીં નઈયાં.’

ઈસુ આગળ ચ્યોં આંઉં ખાતરીસે ચાંતો જે

આઈ ઈનજા ભાઈબંધ અયો તેંસેન પણ આંઈ સરમાજે

વગર મંગોતાં જેસે ઈ ઉથીને આંકે ખપઘો સે ડીંઘો.

તેંસે આંઉં ચાંતો,

‘ઈશ્વર વટે મંગો,

એતરે ઈ આંકે ડીંઘા.

આંજ જરૂરિયાતજે માટે ઈશ્વર વટે અયો

અને ઈ પુરો વજંઘા.

ઈશ્વરજ પ્રાર્થના કરયો,

ઈ આંજો સુણઘા,

કારણ જે કોય ઈશ્વર વટે મંગેતો,

તેંકે ઈશ્વર ડીએંતા.

જુકો કોય ઈશ્વર વટે મદદજ આશા રખેતો

તેંકે ઈશ્વર પુરો વજેતા.

જુકો કોય ઈશ્વરજ પ્રાર્થના કરેતો,



તેંજો ઈશ્વર સુણેતા.

નેયોં આંઈ બાપ અયો,

અને આંજો પુતર આ વટે મઘી મંગે

ત આઈ ઈનકે સપ ડયો નતા.





અથવા ઈ ઈનું મંગે,  
ત આંઈ ઈનકે વધી ડયો નતા.  
હીં આંઈ ખરાબ અયો છતાં  
આંજે બાલકેકે  
ખાસીઉં ચીજ વસ્તુ ડનેજો આંકે ભાન આય,  
તડેં ઈશ્વર ત આં કના ખાસીઉં ખાસીઉં  
ચીજુ વસ્તુ ડનેજો  
વધુ ખાસી રીતે જાણેતા  
ઈ આંજા સરુગ મંજજા બાપા અંઈ,  
અને જુકો કોય ઈની વટા  
પવિતર આત્મા મંગે તેંકે ઈ ડીંઘા”

## ૧૧ પવિતર સાબ્જાથ ડીં જો જ દયા !

થહુદીએં જે માટે ઈ પવિતર ડીં હો,

અને ઈસુ ઈનીં જે ભજનસ્થાનમેં

શિક્ષણ ડીંધા વા.

ભૂત વાળગેલી હકડી બાઈમાડુ ઉતે વઈ

ઈ એરડો વરેં સે વંગી વરી વઈ હુઈ

તેંસેં ઈ સીધી ઊભી સગધી ન હુઈ.

ઈસુ ઈનકે નેરેને

વો સડ ચ્યો,

“તોજી ભીમારી મંજજાથી તું સજી થઈ વન.”

“ઈન પંઠ ઈન મથે હથ રખ્યો,

અને તુરત જ ઈ સીધી ઊભી થઈ,

અને ઈશ્વરજો ભજન કરેલા લગી.

ઈસુ સાબ્જાથ એતરે ભજન અને આરામ જે ડીં

હન બાઈ કે સજી કયોં તેંસે

ભજનસ્થાનજો અધિકારી ગુસ્સે ભરાણો.

ઈન બેં માડુએંકે ચેં,

“અઠવાડિયેજો છ ડીં

પાંકે કમ કયોં ખપે.

તેંસે ઈની છ ડીંએ જો અચીને

સજા થીઓ,

પણ પવિતર સાબ્જાથજે ડીં

સજા થેલા અચીજા ન.”

પણ ઈસુ જન્માભ ડિનો

‘આઈ ઈશ્વરજે મારગ તેં બેંકે હલંધા અટકાયો મ !

ભજનજો ડીં હોય તોય પણ

જો આંજી ગોં ક ગડોડો ઉજ્યો થીએ

ત આઈ ઈનકે છોડેને પાણી પીરાયલા ગની વંઝોતા.

હી બાઈ પાંજે પંઢજે માડુએ મંજજીજ આય

શોતાન એરડો વરેંથી ઈનકે બધે રખેં હોંય.

તેંસે આરામજે ડીં પણ

ઈ બંધન મુગત થઈ સગેતી.”

ઈસુ જે જન્માભ સેં

ઈનીજા ઘુસમણ

સરમિઘા થઈ વ્યા.

પણ બ્યા મળે

ઈસુજે કમસે

રાજી થ્યા.

## ૧૨ વંઝાએલો મલેસે આનંદ

હકડો ડીં ઈસુ માડુએકે શિક્ષણ ડીંઘા હોવા  
કેતરાક પરદેશી રાજ્યતી કર ઉઘરાઈઘલ  
અને સમાજમેં ઘિકારેલા ઈસુજો સુણેલા આયા.  
કેતરાક ઘાર્મિક આગેવાન ઉતે હોવા

ઉ બબડેલા લગા,

“હી માડુ પાપીએંજી સોબત કરેતો,  
અને ઉની ભેરો ખાયતો પણ ખરો !”

તેર ઈસુ ઈનીકે હી વારતા ચ્યોં:

વંઝાએલ રઠ

“ઘાર્યો કે આમંજાનું કેંક વટે સો રઠ અંઈ,  
અને ઉનીમંજાનું હકડો વંઝાજી વંઝે,  
ત ઈ કુરો કરીંઘો ?

ઈ બેં નવાણું રઠેકે ચરંઘા છડેને  
પેલો વંઝાએલ રઠ મલે તેં સુઘી  
ઉનજી શોઘ કરેલાં વંઝેતો.

પોય ઈ ઉનકે પંઠજે કંઘ મથે ખણી ઘરેં ગની અચેતો  
અને પંઠજા ભાઈબંઘ અને પાડોસીએંકે  
ઉજવણીજે માટે ભેરા કરેતો.

ઈ ઉનીકે ચેતો,

‘મુંજો વંઝાએલો રઠ પાછો મલ્યો આય  
તેંસે આંઉ બોરો રાજી અઈર્યા,  
અચો, ઉજવણી કરીઉં.’



વરી ઈસુ ય્યો,

“ઈનજ પરમાણે,

જો નેકીવાન ગણાઘા નવાણું કરીંઘે

કોથા પાપી પાપસે ફરે,

અને ઈશ્વરજ ઈચ્છા પરમાણે જીએલા મંઠજે

ત તેંસે ઈશ્વર બોરોજ રાજ થીએતો.”

## વંઝાએલ સિક્કો

ઈસુ બઈ વારતા ય્યોં :

“ઘાર્યોં કેં હકડી બાઈ માડુ વટે ચાંદીજા ડો સિક્કા અંઈ,  
અને ઈનમંજા હકડો વંઝાજી વંઝ,  
ત ઈ કુરો કરીંઘી ?

ઈ ડીઓ સલગાયતી,

અને પંઢજો ઘર સાફસુફ કરેતી,  
અને સિક્કો મલેતોં તેં સુઘી  
ભરાભર ખ્યાલ રખી ઈનજી શોઘ કરેતી.

પોય ઈ ઈનજી જેડલેંકે અને પાડોસીએંકે કોઠાયતી  
અન ઉનીકે ચેતી,

“મુંજો વંઝાએલ સિક્કો પાછો મલ્યો આય તેંસે  
આંઉં રાજીપે મેં અઈયાં.  
અચો, ઉજવણી કરીઉં !”

ઈસુ આગાળ ય્યોં,

“કોય પાપી પાપસે ફરે,  
અને ઈશ્વરજી ઈચ્છા પરમાણે જીવન જીએ  
ત તેંસે ઈશ્વરજા ડૂત રાજી થીએંતા.”


## વંઝાએલો પુતર

પોએ ઈસુ ત્રઈ વારતા ચઈ :

“હકડે માડુજા બ પુતર હોવા  
હકડે ડીં નંઢો પુતર અચીને ઈનકે ચેં,  
‘બાપાજી,

મિલકતજો મુંજો ભાગ મુંકે ડઈ ડ્યો.’  
તેર બાપ નંઢેજો નકરંઘો ભાગ ઈનકે ડને.

“થોડેક ડીં પોઆ,  
નંઢે મલકતજો પંઢજો ભાગ વકે છડેં,  
અને ઉનમંજાનું મલેલા પેસા ગની ઘરેંથી વેંઘો રથો.  
ઈ છેટેજે દેશમેં વ્યો,  
અને ઉતે મોજશોખમેં પંઢજા પેસા વેડકે છડેં.  
તે પોઆ ઉન દેશમેં કારમો દુકાર વ્યો,  
અને પેસા ન હોવા જેસે ઈ ભુખ મરણ લગો.”



તેંસે હકડે ખેડુ વટે કમ કરેલા રથો.  
ઉન ઈનકે ભુંડ સાચવેલા  
પંઢજે ખેતરમેં હલાંચ.

ઈનકે બોરીજ ભુખ લગી અને ભુંડ શિંગું  
 ખેંઘા હોવા સે ખાધેજો ઈનકે મન ધ્યો,  
 પણ કોય ઈનકે ખાધેજો ડીંઘો નહો.  
 છેવટ ઈનકે પંઢજી મુરખતાજો ભાન ધ્યો.  
 ઈન પંઢજી જાતકે ચેં,  
 ‘મુંજે બાપાજા ભાડુતી મજુર  
 ખાઈસગે તેં કરીધે વધુ ખાધેતો મલેતો,  
 જડે આઉં દીતે ભૂખસે મરાંતો !  
 આઉં મુંજે બાપાજી વટે વેંઘોસ અને ઉનીકે ચોંઘોસ  
 “બાપાજી, મું ઈશ્વર અને આં વિરુદ્ધ પાપ કયો આય  
 આઉં આંજો પુતર ચોવાજે જોગ રયો નઈયાં.  
 પણ આંજે મજુરેં જોગો લેખેને  
 મુંજો સ્વીકાર કરયો.  
 તેર ઈ ઘરેં વંઝેલા નકરયો.  
 ઈ ઘરનું ઘણે છેટે હો એજો મેં  
 ઈનજે બાપા ઈનકે ડહોં અને ઈનીજો રદય દયાસે ભરાજી આયો.  
 ઈ પુતરકે મલેલા ઘોડીને વ્યા,  
 અને ઈનકે ભેટે પઈને  
 ચુંભન કયોં.  
 પુતર ચેં,  
 “બાપાજી, મું ઈશ્વર અને આં વિરુદ્ધ પાપ કયો આય.  
 આઉં આંજો પુતર ચોવાજે જોગ રયો નઈયાં.”  
 પણ બાપા નોકરેંકે બોલાય ને ચ્યોં,  
 “જલધી કરયો, મણીધી ખાસા  
 લુગડા ગનીને ઈનકે પેરાયો,  
 ઈનજી આંગરીમે વીઠી  
 અને પગેમેં પગરખાં પેરાયો.”



પોય વંઝીને ખાસો રઘે ને  
 પાં આનંદ ઉતસવ કરીઉં.  
 કારણ, મુંજો પુતર મરી વ્યો હો  
 પણ હારો જીરો થ્યો આય.  
 ઈ વંઝાજી પ્યો હો  
 પણ હારો મલ્યો આય.  
 અને તેંસે ઉજવણી શરૂ થઈ.  
 હીન ટારો વડો પુતર ખેતરમંજાથી  
 ઘરેં પાછો અચીંધો હો  
 ઘરજે મુરમેં આયો તેર  
 સંગીત સુણેસે અને માડુએંકે નાચ કરીંધે નેરેસેં  
 ઈનકે નવાઈ લગીળ  
 તેંસે ઈન હકડે નોકરકે કોઠાયને પુછેં,  
 ‘હી મળો કુરો હલેતો ?’  
 નોકર જમાભ ડિને,  
 ‘આંજા ભા ઘરેં પાછા આયા અંઈ.  
 ઈ સહીસલામત પાછા આયા અંઈ જેંલાય  
 આંજે બાપાજી વડી મિજબાની કયોં અંયોં.’  
 વડો ભા બોરોજ ખારો થઈ વ્યો,  
 અને ઈ ઘરમેં પણ વંઝેલા મંગધો નહો.  
 તેંસે ઈનજા બાપાજી બાર અચી ઈનકે અંઘર અચેજી આજીજી કયોં.  
 પણ ઈન પંઢજે બાપાકે ચેં,  
 “નેરયો હી મળો વરેંમેં મું આંજી ઘણોજ ચાકરી કઈ આય  
 અને આંજી આગ્ના કડેં ઉથાપઈ નાંય,  
 છતાં મુંજે ભાઈબંધ ભેરી મિજબાની કરેલા  
 આંઈ મુંકે કીં પણ ડિના નયાં.”

પણ હી આંજો પુતર ભજી વ્યો  
 અને નાયકાંએંજી પુઠિયા  
 આંજી મળે મિલકત વેડકે છડે.  
 અને તોય પણ હાણે પાછો ઘરે આયો આય તેર  
 આંઈ ઈનજે માટે વડો ખાણો ભનાયાં અથા !”  
 બાપાજી ચ્યો,  
 “બેટા! તું હરહંમેશ મું ભેરોજ અઈયેં  
 અને મુંજો મળે તોજોજ આય !  
 પણ પાંકે આનંદ ઉતસવ કયો ખપે.  
 કારણ, તોજો ભા મરી વ્યો હો  
 પણ હાણે ઈ જરો ધ્યો આય.  
 ઈ વંઝાજી વ્યો હો  
 પણ હાણે ઈ પાછો મલ્યો આય.”

### ૧૩ ડોંએ રગતપિતીયેંજો સજો ધીયણું

હકડો વખત ઇસુ ગાલીલથી

થરૂશાલેમ વેંઘા હોવા,

તેર સમરૂનજી સરહદ વટે અચેલ

હકડે ગામમંજાનું થઈને વંઝણું પ્યો.

ઉતે ઈનીકે ડો રગતપિતીઆ મલ્યા,

છેટે ઉભા રઈને ઈની રાડ વઘોં,

“ઓ ઇસુ, ઓ પ્રભુ, અસાં મઘે દયા કર્યો.”

ઈસુ ઈનીકે નેરેને ય્યોં,

“વંઝો અને પૂજારી વટે આંજા શરીર તપાસાયો.”

ઈસુજે યે પરમાણે ઈ

પૂજારી વટે વેંઘા હોવા,

તેર રસ્તેમેંજ ઈ શુદ્ધ થઈ વ્યા.

ઈનીમંજા હકડો પંઠ સજો થઈ વ્યો આય એળો નેરેને

વડે સડ ઈશ્વરજા ભજન કરીંઘો

પાણો ફર્યો.

ઈસુજે પગેં પ્યો

અને એક્વાન મંઝે.

ઈ થહુદી ન હો,

પણ સમરૂની હો.

ઈસુ પંઠ ભેરા માડુ હોવા તેંકે ય્યોં,

“શુદ્ધ ત ડોએંકે કેમેં આયા હોવા.”



બ્યા નોં કતેં અંઈ !  
પાછો અચીને ઈશ્વરજો એકાનં મંઝઘન  
હી હકડો પરદેશી જ નકરયો !”  
પોય ઈસુ ઈન માડુ કે ચ્યોં;  
“ઉથી, અને તોજે રસ્તે વંઝ,  
મં મથે તો સરઘા રખે તેંસે તું સજો ધ્યો અંઈએં.”

## ૧૪ ઈસુજે મરેજ આગાઈ

હકડો ડીં ઈસુ પંઢજે બારેં ચેલેકે

બાજુતે ગની વંઝીને ચ્યોં,

“સુણો, ! પાં યરૂશાલેમ વંઝોતા.

ઈશ્વરજે સનેડો ડીંઘલે મું સંબંધી

જુકો ઘરમશાસતરમેં લખ્યોં અંચોંસે

મળે યરૂશાલેમમેં ભનઘો.

મુંકે, માનવપુતરકે,

ભિન યહુદીએંજે હથમેં સોંપે ડનેમેં અચીંઘો.

ઉ મુંજ મશકરી કરીંઘા.

મુંજો અપમાન કરીંઘા અને મું મથે ઘુકંઘા.

ઉ મુંકે કોરડા મારીંઘા

અને મારે વજંઘા.

પણ ત્રે ડીં

આંઉ પાછો સજીવન થીઘોસ.”

પણ ઈસુજા ચેલા

હી માળે બાબતું સમજ્યા ન.

હીની શબદેજો અરથ ઈનીથી ગુપત રખાયો હો.

અને ઈસુકેં સંબંધી કુછંઘા હોવા તેંજ ઈનીકે ખબર પઈ ન.

## ૧૫ જાખીજે ઉતે ઈસુ

હકડો ડીં ઈસુ ચરીખો શેરમંજાથી પસાર થીંધા હોવા.

ઈન શેરમેં જાખી નાલેજો હકડો શાઉકાર રેંઘો હો.

ઈ રોમન સરકાર વતી કર ઉઘરાંઈઘલ હો.

તેંસે માડુ ઈનકે ઘિકારીંધા હોવા.

ઈસુ ઉતાં થઈને પસાર થે વેરા હોવા.

તેંસે ઈસુ કેળા અંઈ

સે નેરેલા મંગઘો હો.

પણ જાખી ગજેમેં દુકળો હોયસેં

ટોળે મંજા

ઈસુકે નેરે સગ્યો ન.

તેંસે ઈ અગિયા ઘોડયો

અને જાડ મથે ચડી વ્યો.

જેંસે ઈસુ ઈન રસ્તેથી પસાર થીએં

તેર ઈ ઉનીકે નેરે સગે.

ઈસુ જાડ વટે આયા

એતરે ઈની ઉંચે નેરેને જાખી કે વ્યોં,

“જાખી જલઘી નીચે ઉતરી અચ,

અજ આઉં તોજો મેમાણ ભનેજો અઈઆં.”

જાખી જલઘી નીચે ઉતરી આયો,


અને બોરોજ રાજ થઈ પંઢજેઘરેં ઈસુજ આગતાસ્વાગતા  
કેં.

હી નેરેને મળે માડુ

બબડેલા લગા,

“હી ઈસુ પાપીએંજો મેમાણ આય.”

જાખી ઉભો થઈને ઇસુકે ચે,  
 “પ્રભુ, દીન શેર જે ગરીબેકે  
 આઉં મુંજ અડધી મિલ્કત ડઈ ડીંઆતો.  
 અને જો મું કેકે છેતરચો દોથ  
 ત આઉં તેકે  
 ચાર ઘણો પાછો ડીંઆતો.”  
 પોથ ઇસુ ઇનકે ચ્યો,  
 “અજઈશ્વર તોજો અને તોજે કુંદુંમેજો ઓઘાર ક્યોં અચોં,  
 અને આંકે મણીકે નઉં જીવન બક્ચોં અચોં.”



## ૧૬ રાજા તરીકે ઈસુજો આવકાર

ઈસુ અને ઈનીજા ચેલા

થરુશાલેમજે મારગમે વેંઘા હોવા,

તેર બેથફાગે અને બેથાની નગરેજી નજીક

જેતુન ડુંગર વટે ઈ આંયા.

ઈસુ પંઢજે બીં ચેલેકે બોલાયને ઉનીકે ચ્યોં,

“આંઈ સામેજે ગામમે વંઝો

ગામમે વેંઘેજ હકડો ખોઘડો આંકે ડઠમે અચીંઘો.

ઉન મથે કડે કેં પણ સવારી કઈ નાય.

ઉનકે છોડેને હીતે ગની અયો.

જો કોઈ આંકે પુછે ‘કે આંઈ ઈનકે કીં છોડયોતા ?’

ત ચોજા, ‘પ્રભુ કે ઈનજો ખપ આય.’”

બોય ચેલા ચે પરમાણે હલી નકરયા.

ઈસુજે ચે પરમાણે

ઈનીકે ખોઘડો મલ્યો

ઈ ખોઘડો છોડીઘા હોવાં તેર

માલિકે ઈ નેરેને ઈનીકે પુછ્યોં,

“આંઈ અસાંજો ખોઘડો કુરેલાય છોડયોતા ?”

ઉની જમામ ડિનો.

“પ્રભુકે ઈનજો ખપ આય.”


ઈ ખોઘડેકે ઈસુ વટે ગની આંયા.

પોય ઉની ઈન મથે પંઢજા કપડાં પથરયોં

અને ઈસુ ઈન મથે વઠા.



ઈસુ ઉન મથે સવાર થઈને શેરેમેં વ્યા.  
 માડુએં પંઢજા કપડાં રસ્તે મથે વઘાયને  
 ઈસુકે માન ડિનો.  
 જેર ઈસુ જેતુન ડુંગરજે ઢોળાવ વટે  
 શેરજી નજીક આયા તેર  
 પુઠિયા અચીંઘલ વડો ટોળો  
 ઈશ્વરજો આભાર મંગ-યો.  
 હેવર સુઘી ઈની નેરેલ અદભુત બાબતેં માટે  
 વડેસડ ઈશ્વરજો ભજન કયોં.  
 ઉની જય પોકાર કર્યોં.  
 “હે ઈશ્વર, પ્રભુ જે સામથરય સહિત અચીંઘલ રાજાકે  
 આશિષ ડિયો !  
 સજી ઘુનિયામેં ઈનીજી શાંતિ વરતાયો  
 અને ઈનીજે નાંજો મહિમા થીઓ.”



## ૧૭ ચેલેં ભેગો પાસ્ખા પરવ

કેતરાક ડીં પોઆ

પાસ્ખા પરવજી ઉજવણીજી તૈયારીજો સમય હો.

નંઢે રઢકે વઘેરેજો હો.

તેંસે ઈસુ પંઢજે બ ચેલેં,

પીતર અને યોહાન કે કોઠાયોં,

અને ઉનીકે ય્યોં,

“વંઝો, અને વંઝીને પાંલાય પાસ્ખેજો ખાધેજો તૈયાર કર્યો.”

ઉની પુછ્યોં,

“અસીં સે કતે તૈયાર કરીઉં ?”

ઈસુ જમાભ ડિનો.

યરુશાલેમમેં

આંઈ શેરમેં પ્રવેશઘા એતરે

પાણીજો ઘડો ઉપાડે વેંઘો હકડો માડુ આંકે મલંઘો.

જે ઘરમેં ઈ વંઝે ઉતે ઈનજી પુઠિયા વેજા.

પોય ઘરજે માલિકકે યોજા,

ગુરુજી પુછાયોં અયોં કે,

“પાસ્ખેજો ખાધેજી જગ્યા કતે આય ?”

માલિક આંકે મથલે માણજો વડો ઓરડો વતાઈ ઘો

ઉતે આંકે મળે મલંઘો.

એતરે પાસ્ખેજો ખાધેજો તૈયાર કરીજા.”

પીતર અને યોહાન શેરમેં વ્યા,

ઈસુજે ચે પરમાણે ઈનીકે મળે મલ્યો.

તેંસે ઈની પાસ્ખેજો ખાધેજો તૈયાર કર્યોં.

સાંજી પોંઘે

ઈસુ અને ઈનીજા ચેલા ઉતે આયા.

જમઘે વખત ઈસુ પંઢજે ચેલેંકે ચ્યોં,  
 ‘આ ભેરી ઢી ખાઘેજી મુંકે બોરીજ ઈચ્છા હુઈ.  
 કારણ થોડોજ સમયમેં મું મથે દુઃખ અચી પોંઘો.



ઈશ્વર રાજા તરીકે રાજ કરે ન  
 તેં સુઘી આંઈ ફરીથી પાસ્ખેજો ખાઘેજો  
 ગનેજો નઈયાં ઈ ચોકકસ આય  
 ઈન સમય ઢીન પાસ્ખેજે ખાઘેજો  
 સચો અરથ આંઈ જાણઘા


પોય ઈસુ પ્યાલો ખયોં,  
ઈશ્વરજો આભાર મંજ્યોં,  
અને પંઢજે ચેલેંકે ડિનો.  
ઈની ઉનીકે ચ્યોં,  
“ગનો, અંધરોઅંધર વરાયો,  
ઈશ્વર રાજા તરીકે રાન કરીંએ ન,  
તેં સુધી આંઉં દ્રાક્ષારસ પીંધોસ ન  
ઈ ચોકકસ આય.”

પોય ઈની રૂટલી ગન્યોં,  
ઈશ્વરજો આભાર મંજ્યોં અને જોચ્યોં,  
અને પંઢજે ચેલેંકે ડિનો.  
ઈની ઉનીકે ચ્યોં,  
“હી મુંજો શસીર આય  
સે આંજે માટે આંઉં ડીંઆંતો.  
મુંજ જાદગીરીજે માટે હી કરયો.”  
ખાધે પુઠિયા ઈની પ્યાલો ગન્યોં  
અને ચ્યોં,

“હી પ્યાલો પંઢજે માડુએ ભેરેજો ઈશ્વરજો નઉં કરાર આય  
સે આંજે માટેજો મુજે મરણસે  
સ્થાપિત કરેમેં આવેલો આય.”

## ૧૮ અદાલતમ ઈસુ

ઈનજ સાંજજો ઈસુજ ઘરપકડ કેમેં આવઈ,  
અને યહુદી આગેવાને ઈનીકે પરસન પુછ્યોં.  
બેંડીં સવારમેં ઈ ઈસુકે  
રોમન રાજપાલ પિલાત વટે ગની વ્યા,  
ઉની પિલાતજ અગિયા ઈસુ વિરુદ્ધજ  
ફરિયાદું રજુ કયોં.



ઉની ય્યોં,

“હી માડુ અસાંજેં માડુએં કે

સરકાર વિરુદ્ધ બળવો પોકારેલા ઉશ્કેરેતો,  
સમ્રાટકે કરવેરા ભરણાં ન  
એળો સખાય તો,

વંરી ઈશ્વર ઈનકે અસાંમથે રાજા પેલાય પસંદ ક્યોં આય  
એળો ઘાવો કરેતો,

જેંસે અસીં ઈનકે પકડે આયા અઈયું.”

એતરે પિલાત ઈસુકે પુછેં,

“કુરો તું યહુદીએંજો રાજા અઈએં ?”

ઈસુ જમાભ ડિનો,

“એળો આંઈજ ચોતા.”

તેં પોઆ પિલાત યહુદી આગેવાને

અને મણી માડુએંકે ચેં,

“મુંજે અભિપ્રાય પરમાણે

હીન માડુ રોમન કાયદેજી વિરુદ્ધ કીં પણ કેં નાય.”

પણ ઈસુ ગુનેગાર આય એળો દર્શાએલાય ઉની વધારે આગ્રહ ક્યોં  
ઉની ય્યોં,

“સરકારજી વિરુદ્ધ બળવો પોકારેલા

સજે યહુદિયામેં

માડુએંકે ઈ ઉશ્કેરેતો.

ગાલીલમેં ઈન શરૂઆત કેં,

અને હાણે હીતે ઈનજે માટેજ આયો આય.”

ઈ સુણીને પિલાત પુછેં,

“કુરો હી માડુ ગાલીલજો આય ?”

ઈસુ ગાલીલજા અંઈ ઈ જાણેને પિલાત  
 ઈનકે ગાલીલજા રાજા હેરોદ વટે હલાંયં,  
 ઈન સમયમેં હેરોદ થરુશાલેમમેં હો.  
 ઈસુકે મલેસે હેરોદ ઘણેજ રાજી થયો,  
 ઈન ઈની સંબંધી ઘણે સોંચ હોંચ,  
 અને ઘણે લમે સમયસેં ઈ ઈનીકે મલેલા મંગધો હો.  
 ઈસુ કીંક ચમત્કાર કરીએં ઈ નેરેજી ઈનકે આશા હુઈ.  
 તેંસે હેરોદ ઈસુકે ઘણેજ પરસન પુઈ,  
 પણ ઈસુ હકડો પણ શબદ બોલ્યા ન.  
 થહુદી આગેવાન અને પંડિત પણ ઉતે હોવા  
 ઉની હેરોદકે ઈસુજી વિરુદ્ધજી  
 ઘણેજ આરોપ ભારપુરવક જણાયોં.  
 છતાં ઈસુ કીં પણ જમાભ ડિનો ન.  
 તેંસે હેરોદ અને ઈનજા સેનિકેં ઈસુજી મરકરી ક્યોં,  
 અને ઈનીજો અપમાન ક્યોં.  
 છેવટ ઈસુકે રાજાજો પોસાક પેરાયોં.  
 અને પિલાત વટે પાછા હલાય ડિને,  
 (ઈનજ કીં પિલાત અને હેરોદ  
 હકડે બેં મેં ભાઈબંધ ભન્યા  
 તેં પેલા ત ઈ હકડે બેં મેં ઘુસમણ હોવા.)

## ૧૯ ઈસુકે મોતજ સજા

પિલાત યહુદી આગેવાનેકે અને માડુએકે કોઠાંયાં

અને ઉનીકે ચે,

“આંઈ હીન ઈસુકે મું વટે ગની આયા

અને ઈ આંજે માડુએકે સરકારજી વિરુદ્ધ

બાબો કેજો સખાયતો એળો ચ્યાં.

હાણે મું આંજી હાજરીમેં ઈનજી તપાસ કઈ આય,

અને આંજી ઈનજી વિરુદ્ધજી કોંચ ફરિયાદ મુંકે સચી માલમ થઈ નાય,

રાજા હેરોદકે પણ ઈ નિર્દોસ માલમ ખ્યો આય.

તેંસે ઈન ઈસુકે પાં વટે પાછો હલાય ડિને આય.

હીન માડુ કીં ખોટો કેં નાંચ

અને તેંસે ઈનકે મોતજી સજા થઈ સગે ન.

તેંસે આઈં ઈનકે કોરડા મારાયને છડે ડીંઘોસ.

પાસ્ખા પરવજે સમયમેં હી ભન્યો.

દરસાલ યહુદીએકે રાજી કેલાય

રોમન રાજ્યપાલ હકડે કેઘી કે મુગત કરીંઘો હો.

પિલાત ઈસુકે મોતજી સજા ફટકારેં ન

તેંસે ટોળે પોકાર કેં,

“ઈનકે મારે વજો ! અસાંજે માટે બારાબાસકે મુગત કરીયો.”

(હી બારાબાસ કે ત

સરકારજી વિરુદ્ધ હુલ્લડ કરેજો

અને કેજે કારણસે

જેલમેં પુરેમેં આયો હો.)



પિલાત ટોળેંકે ફરીથી ચેં,

કે ઈ ઈસુકે મુગત કરેલા મંગેલા.

પણ માડુએં રાડ વધેજીઉં ચાલુ રખ્યોં,

“ઈનકે મરણથંભતે જડયો ! મરણથંભતે જડયો !”

ત્રઈવાર પિલાત માડુએંસે ગાલ કેં.

ઈન ઉનીકે ચેં, “ઈનજો ગુનો કયો આય ?”

ઈનકે મોતજી સજાથીએ લેળો કોય કારણ મુંકે જણાજે નતો,

આઉં ઈનકે કોરડા મારાયને છોડે ડાંઘોસ.”

પણ ઉ જોરસોરસેં પોકારીંઘા ચ્યા,

જે ઈસુકે મરણથંભતે જડે ડયો.

છેવટ ઈનીજી રાડ ફાયઈ,

પિલાત બારાબાસકે મુગત કે

અને ઈસુકે મોતજી સજા ફરમાંય,

પણ ઈન ઈસુકે

માડુએંજી ઈચ્છા પરમાણે કરેલા સોંપેડિને.



સૈનિક ઈસુકે મરણધંભતે જડેલાય કરે  
શેરજી બાર ગની વ્યા.  
મારગમેં કુરેની દેશજો સીમોન  
નાલેજો હકડો માડુ ઈનીકે મલ્યો.  
ઈ ગામડેમંજાનું શેરમેં  
અચીં ઘો હો  
ઉની ઈનકે મરણધંભ ઉપાડેજી  
અને ઈસુ પુઠિયા અચેજી ફરજ વધો.

ઈસુ પુઠિયા માડુએ જો વડો ટોળો વેંઘો હો,  
ઈસુ પ્રત્યે જુકો કુરતા દાખવેમેં આવઈ  
ઈ નેરેને ટોળેમેં કતરીઉં ક બાઈમાડુ  
રૂંઘીઉં અને વલાપ કરનીઉં હુઈઉં.

ઈસુ ઈની ડીંઆં ફરીને ચ્યોં,

“હે થરૂશાલેમજીઉં બાઈઉં,

મુંજે માટે રૂજા મ.

આંજે માટે અને આંજે બાલકેજ માટે રૂઓ,

કારણ, એળા ડીં અચીંઘા જેર માડુ ચોંઘા,

જેં કડેં બાલકકે જનમ ડિનું નાય,

જેંકે કડેં છોકરા થ્યા નઈ,

અને જેં તેકે ઘારાયોં નયોં,

તેં બાઈમાડુ કે ઘન્ય આય.’

ઈન સમયતે માડુ ડુંગરેંકે ચોંઘા,

‘અસાં મથે પો !’

અને ટેકરીએંકે ચોંઘા,

‘અસાંકે લકાયો !’

કારણ, જેં કીં ખોટો કયો નાય તેકે

માડુ હેળો કરીએંતા,

ત પોય અચીંઘલ સમયમેં

દોશિતજી કેળી દુઈશા થીંઘી !”


સૈનિકે બીં ગુનેગારોકે પણ

ઈસુ ભેરા મારે વજે જે માટે ગન્યો હોં.



“ખોપરી” નાલેજ જાયાતે ઈ આયા,  
અને ઈસુકે ઈની મરણથંભ તે જડ્યોં  
ઉની બીં ગુનેગારેં કે પણ મરણથંભતે જડ્યો,  
હકડે કે ઈસુજે ડાબી તરફ  
અને બેકે જમણી તરફ.

પોય ઈસુ પ્રાર્થના કયોં,  
“હે બાપ, ઈનીકે કામા કરયો.  
ઈ કુરો કરે રયા અંઈ સે ઈ સમજે નતા.”  
કતરાક સૈનિકેં ચીઠ્ઠી વજને  
ઈસુજા કપડાં અંધરોઅંધર વરાય ગન્યોં.



બ્યા કતરાક માડુ ઉભા ઉભા ઈ નેરીંઘા હોવા.  
ચહુદી આગેવાને ઈસુજી મશ્કરી કયોં.

ઉની ચ્યોં,

“ઈન બેંકે ભચાય,

જો ઈ ઈશ્વરજો કેરાયલ ઓઘાર કરીંઘલ હોય  
ત પંઢકે ભચાય !”

સૈનિકે પણ ઈસુજી મશ્કરી કયોં.

મરણથંભજે મથાતે લેખ હોં :

“હી ચહુદીએંજો રાજા આય.”

સૈનિક ઈસુ વટે આયા

અને હલકે પ્રકારજો ઘાડુ ઘરચોં.

સૈનિકે પણ ચ્યોં,

“જો તું ચહુદીએંજો રાજા હોંયં  
ત પંઢકે ભચાય.”

મરણથંભતે લટકેલા ગુનેગારેમેં મંજજા હકડે ઈસુજા

ઠઠા કેજો સડુ કેં,

ઉન પુછેં, “કુરો, તું ઈશ્વરજો કેલાયલ ઓઘાર કરીંઘલ નઈયેં ?  
પોય પંઢકે અને અસાંકે પણ ભચાય.”

પણ બે ગુનેગાર ઈનકે ચેં,

“તોકે ઈશ્વરજો ઘા, રખ્યો ખપે,

પાં મણીકે મોતજી સજા થઈ આય.

પાં કે પાંજે ખરાભ કમેજે લીધે

મોતજી સજાકે લાયક અઈડિં.

પણ હીન માડુ ત કીં પણ ખોટો કેં નાયં.”

પોય ઈન ઈસુ કે ચેં,  
 “હે ઈસુ, આંઈ રાજા તરીકે રાજ કરયો  
 તેર મુંકે જાઘ કરીજા.”  
 ઈસુ ઈનકે જમાલ ડિનો.  
 “આઈં તોંકે સચઈજ ચાંતો,  
 તું અજ મું ભેરો સરગમેં હુને.”

## ૨૧ ઈસુજો મરણ

બપોરજા લગભગ બારો વગા હોવા  
 તેર સુરજ પ્રકાસઘો ભંધ થઈ વ્યો.  
 અને ત્રીં વગે સુઘી  
 સજે દેશ મથે અંધકાર છવાજી રયો.  
 પોય મંઘરજો પદઘો,  
 વચમંજાનું ફટી પ્યો.  
 ઈસુ વડેસડ રાડ વઘોં,  
 “હે પિતાજી, આંઈં મુંજો આત્મા આંજે હથમેં સોં પી આંતો.”  
 એંતરો ચઈને ઈની પ્રાણ છડયોં.  
 જુકો ભન્યો સે નેરેને રોમન લશ્કરજે અધિકારી  
 ઈશ્વરજો ભજન કરીં ઘે ચેં,  
 “ઈ સચઈચ ખાસો માડુ હો”

હી દૃશ્ય નેરેલા એકત્રિત થેલા માડુ

હી ઘટનાઈં નેરેને

ડુંધા કકળાંધા ઘરેં વ્યા.

ઈસુજા ઘણે ભાઈબંધ

અને ગાલીલમંજાથી ઈસુ પુઠિયા આવેલ બાઈમાડુ

થોડેક છેટે ઉભા ઉભા

હી માળે નેરે રેઆ હોવા



F-63



## ૨૨ ઈસુજો ઘડન

યહુદિયાજો શેર આરીમથાઈજો

થોસેફ નાલેજો

હકડો માડુ હો.

સે ભલો હો.

અને યહુદી ઘરમશાસતરકે ભરાભર રીતે પારીંઘો હો.

યહુદી ન્યાયસભાજો સભ્ય હો છતાં

ઈસુ સંબંધી જે નિર્ણય ભેરો ઈ સંમત થ્યો ન હો.

ઈશ્વર રાજા તરીકે રાજ કરીએ.

ઈન ડીંજ ઈ વાટ નેરીંઘો હો.

ઈ પિલાત વટે વેઓ.

અને ઈસુજે શબજી મગણી કેં,

પોય મરણથંભ મથા શબકે ઉતારેં,

અને શણજે કપડેમેં વિંટાળોને

ડુંગર ઘારમેં કોરે કહેલી

કબર મેણ રખેં.

હી કબર કડેં વપરાયેલ ન હુઈ.

તેની શુકવાર હો

અને યહુદી સાબ્બાથ એતરે આરામજો ડીં

સડ થેમેં હો.

ગાલીલમંજાથી ઝસુજે પુઠિયા આવેલ બાઈમાડુ

થોસેફ ભેરી વઈયું.

અને ઈસુજો શબ કબરમેં કેળી રીતેં

રખેમેં આયો આય સે નેરયોં.



પોય ઈ ઘરે વઘથું  
અને ઈસુજે મૃત દેહજે માટે  
સુગંધી વાનાં અને અતર તૈયાર કયોં  
ચહુદી ઘરમશાસતર પ્રમાણે  
સાબ્બાથજે ડીં ઈની આરામ કયોં.

### ૨૩ ઈસુ સજીવન ધ્યા.

ગાલીલનું ઈસુનું પુઠિયા આવેલ બાઈમાડુ  
રવિવારજી સવારજો વેલીઉં કભરતેં વઈઉં.  
ઈસુજે શબતેં ચોળેલા પંઢ તૈયાર કેલ  
સુગંધી વાના ઉની ભેરા ગન્થોંણ હોં.

ઈ કભરતેં પુગીઉં તેર  
કભરજે પ્રવેશદવાર આડી રખેલ સીલા  
દશી પેલી ઈની નેરથો.

ઈ અંધર વઈયું,  
પણ પ્રભુ ઈસુજો શબ ઉતે હો ન.  
ઈ ઈનજે વિસથમેં વિચારીનીઉં હુઈઉં તેર  
ઝાઝાઘોંલ લુગડેં પેરેલા  
બ માડુ અચાનક  
ઈની વટે પરગટ ધ્યા.

બાઈઉં ગભરાજી વઈઉં  
અને જમીન તે પછડાઈ પઈયું.  
પોય ઈની માડુએ ઈનીકે ચ્યોં,  
“જીરોથેલકે આંઈ કભરમેં  
કીં શોધ્યોતીઉં ?  
ઈ હીતે નાય,  
કારણ, ઈશ્વર ઈનીકે સજીવન કયોં અંથોં.  
ઈ ગાલીલમેં હોવા તેર ઈની  
આંકે જુકો ચ્યોં હોં સે જાઘ કર્યોં.

“માડુ પુત્ર પાપીએંજે હથમેં સોંપાંધો

અને ઉ ઈનકે

મરણથંભતે જડે ડીંધા.

પણ ત્રેં ડીં

ઈ સજીવન થીંધો.”

તેર બાઈએંકે ઈસુજી ગાલ કરેલી જાઘ આવઈ.

તેંસે ઈ કભરતા પાછીઉં ફરીઉં.

અને ઈસુજેં અગીઆરેં ચેંલેંકે અને બેં મણીકે

ઈની નેરેલો અને સુણેલો ચઈ સુણાયો

(ઈની બાઈએંમેં માઁદાલાની મરિથમ, થોહાન્ના,

થાકુબજી માં મરિથમ અને બાઈઉં હુઈઉં.)

પણ ઈસુજી ચેલા

બાઈએં ચેલ ગાલીઉં પોકળ અંઈ.

ઈ સમજી ઉનીજો મજ્યા ન.

તેર ઈસુજો હકડો ચેલો પીંતર

ઉથીને સીધો કભરતેં ઘોડી વ્યો

અને ઈસુજે શબકે વિંટાયેમેં આવેલ

કપડે સિવાય ઈનમેં ઈન

બ્યો કીં ડિઠેં ન.

જુકો ભન્યો તેંસે અસચર્ય પામેને

ઈ ઘરેં વ્યો.

## ૨૪ ઈસુ સરગમેં ઉસ્થા

પુઠિયાનું ઈસુ બેં બીં ચેલેકે દરસન ડિનો,  
અને ઉની બેંકે ઈન સંબંધી ચ્યોં.  
ઈ ઈન સંબંધી ગાલ કરીંધા હોવા.  
એળેમે ઈસુ પંઢજ ઈની વટે પરગટ ધ્યા  
અને મણીકે આશિષ ડિનો,  
પણ હી મળે ગભરાજી વ્યા,  
કારણ, કોય પ્રેત નેરે ર્યા અઈયું એળો ઈની વિચાર્યોં.  
તેંસે ઈસુ ફરીથી ઈનીકે ચ્યોં,  
“આંઈ કીં ગભરાજોતા ?  
આંઈ જીવંત અઈયા ઈન વિસયમેં  
કીં શંકા ગનોતા ?  
મુંજા હથ અને પગ નેર્યો !  
ઈતા આંઈ પંઢજ અઈયાં !  
મુંકે સ્પર્શ કર્યો અને આંઈ પ્રેત નઈયાં.  
તેંજ આંકે ખબર પોંઘી,  
કારણ કે પ્રેતકે હડમસ હોંથ નતા  
પણ આંઈ નેર્યોતા તેં પરમાણે મુંકે અંઈ.  
પોય ઈસુ પંઢજા હથપગ ઈનીકે વતાયોં.  
હી ભનાવ એતરો મળે  
આનંધદાયક હો સે ઈ  
સયો મંઝી સગ્યા ન.

ઉની ઈનીકે ફરીથી ચ્યોં,

“શાસતરમેં લખેલો આય:

ઈશ્વરજો હલાયલ ઓઘાર કરીંઘલ

દુઃખ સહન કરીંઘો અને મરણ પામીઘો.

પણ ત્રે ડીં

ઈ સજીવન થીંઘો.

શાસતરમેં ઈ પણ લખેલો આય :

હીન ઓઘાર કરીંઘલજી સતાસેં

માડુએંકે ચો કે ઈ

પાપસે ફરેં

અને ઈશ્વરજી ઈચ્છા પરમાણે જીવન જીવીએં

એતરે ઈશ્વર ઈનીકે માફી બક્ષીઘા.

હી સનેડો પેલા યરૂશાલેમમેં

અને પોય માળે પ્રજાએંમેં

પરગટ કયો ખપે.

આંઈ જ માડુએ વટે

હીની મણી ગાલીએંજા સાક્ષી અયો.

મુંજા પિતા ઈશ્વર ડિનેલ વચન પરમાણે આંઉ આં મથે

પવિતર આત્મા હલાઈઘોસ.

પણ જેં સુઘી પવિતર આત્મા અચે ન,

અને માડુએંકે હીની ગાલીએંજા સાક્ષી ડિનેલા

ઈશ્વરજોં પરાક્રમ આંકે પ્રાપ્ત થીએ ન,

તેં સુઘી યરૂશાલેમ મંજજ રોજા.”

પોય ઈસુ પંઢજે ચેલેકે શેરનું બાર

છેક બેથાની સુઘી ગની વ્યા.



ઈ ઉતે પુગા એતરે

ઈસુ હથ ઉચાં કરેને ઈનીકે આશીરવાદ ડિનો.

ઈ આશીરવાદ ડીંઘા હોવા એજેમેં ઈ ઉનીથી

છૂટા ધ્યા અને આકાશમેં ઉંચકે ગનેમેં આયા.

ઉની ઘૂટણે પઈને ઈનીજો ભજન કયોં.

અને હરખાંઘા હરખાંઘા યરુશાલેમ પાછા આયા.

ઉતે મંઘરમેં નિરંતર ઈશ્વરજો ભજન કરેજો

ઈની ચાલુ રખ્યોં.